

續修四庫全書

卷之四

卷之五

卷之六

卷之七

卷之八

卷之九

《續修四庫全書》編纂委員會編

續修四庫全書

上海古籍出版社

一五七五・集部・別集類

樊山續集二十八卷（卷十八至卷二十八）樊增祥撰.....一

奇觚廬詩集三卷前集一卷補遺一卷葉昌熾撰.....一六一

奇觚廬文集三卷外集一卷葉昌熾撰.....二五三

八指頭陀詩集十卷述一卷續集八卷 八指頭陀禪文一卷釋敬安撰.....三四九

向湖邨舍詩初集十二卷趙藩撰.....五二七

張季子詩錄十卷張謇撰.....六〇一

抱潤軒文集十卷馬其昶撰.....六七七

樊山續集卷十八

恩施樊增祥

鰥舫集起壬寅十月
訖癸卯五月

初寒

庾家袍襖思添絮杜曲園林未見梅世事從來有翻覆紅醺重暖隔年灰

贈冬青

露白霜紅天氣清夕柯黃落滿秋城憑將絹繫南山樹惟有冬青不世情

柳

軟宜春水淡宜秋抱月飄煙不自由合使全身俱入畫不應眉眼獨風流

鏡

漫整烏巾弄黑髭七年常對聖琉璃憑君照到百年後只似當年初照時

題紅紙

花葉輕紅三四番了無一字著春痕綠知隴上饒鸚鵡素手拈花笑不言

再贈冬青

南檐佳樹垂垂碧獨立霜中與月中冷笑人間殘暑在銀牀一葉下梧桐

雨中醺客葆生觀察出示一詩卽次其韻

鐵冠不赴東南調衣繡重經右北平紅燭試停今夜雨珠槃早弭十洲兵衡山陷芋留精舍小海看桑別舊京自煙台至大沽爲小

海顏厥六朝風氣薄酒邊重話石頭城

葆生贈詩以相綺見況何敢當也次答

抱冰湘綺纓堂翁香瓣低徊此數公屈子離憂傳宋主龍門史筆授扶風草堂蜀郡仍無恙謂綺先生嘗主成都尊經講席蕙帳臨川故未空私淑潭州三十載鑄金早置佛龕中

東溪小集誦琅琅散得天花作道場圯上傳書憐我晚鐙前擁髻笑人忙謂得樊山集終夕吟讀婦人曰莫風狂否明珠佩擬交甫老樹花猶爲褚翔樊山集終夕吟讀婦人曰莫風狂否千古竹林鵲詠地肯因華要屏山王

楊漢中令子得南元寄賀

喜動周南舊吏民仙郎禍幙一時新中州省卽中書省本年試借第二人原第一人北榜以第二名為南元修竹楊家添故事蓮花榜眼現雙身君先德奉常公王因君卻起鄰翁羨累月笞兒

事竟眞

題楊守默先生采菊圖

籬落蕭然處士家滿衣風露採禽華種成奕世科名樹記取江南掌故花

江南掌故花

酈井香泉爲寫眞離騷裏想風神至今玉貌琴川女飲水餐花學楚人

餐花學楚人

乾嘉題墨盡芳鮮四七星辰少一賢乾嘉老輩題詩者二十七人人物蕭條秋色老令人想像太平年

漢南賢守誦清芬屢撰延英進奉文記得重陽花一束

深宮手詔賜鐘君

月下憶京師舊遊
春明坊裏夜行鵬半是詩豪半酒狂張八韋三今不見一方

樊山續集二

樊增祥撰

據清光緒二十八年西安
臬署刻本影印原書版框高
一六七毫米寬二六八毫米

明月照單牀

疊前韻自述

關中二十年游宦逮事桓公及謝公每挹金莖消肺渴亦聞
檄草愈頭風晚唐瘦句拈無可東海殘碑訪不空三輔吏民
相假借乞求常在外臺中

漫將仙館署琳琅試客分題小戰場北地詩歌憎習氣近見報館
刻詩有一城花月與開府兩粵南人飲事半閒忙杜牧詩南
江山趙倚樓之句其不通如此南人飲事半閒忙杜牧詩南
忙玉章有客鐫蟲達此開索銅漢石鼓何年去鳳翔五載渭
南多賦詠至今傳唱小秦王

寶衡捷北閣喜贈

我所能為汝盡能亦如飛衛學甘蠅十年名重蓮花幕一旦
功成夜雨鐙富貴於人相逼迫文章生翼自飛騰紅梨舊是

樊山續集卷十八

三

君家記解首無因得繼登尊人平之親家癸酉領解光緒乙
一則紅梨記別是人間題解西與余同官北山當贈詩云分明
元今此詩久軼附識於此

題家塾

藿粥平生志橫經老尚堪茶聲添畫靜栗事佐宵談兒喜生
書塾師言苦菜甘自忘居柏署彌勒結同龕

窗樹初延月瓶花未結冰一堂絲竹肉三代子孫曾成就無
瑕璧低回有味鐙爾曹勉駢角犁雨我猶能

兒輩初學屬對余出云墨竹換詩詩換蟹皆不能屬戲

賦一詩

近來閩粵競詩鐘未許兒曹學步工墨竹換詩詩換蟹畫松
如篆篆如龍天衣巧製須無縫玉合精求必可逢唐人謂作
玉合子有底必有自古文章珍偶儷南彭北紀勉追從詩如掘得
蓋精求之可得

再示兒輩

對屬天然雀燕伴可知鎖鎖儷鈎鈎萬言每受單詞窘新意
須從故實求墨竹換詩詩換蟹黃金償劍劍償牛雅人深致
循良事都被先生古錦收

自題照像

照影疏篁綺石邊絲絲綠塵尾望如仙一方藥鏡恆河水人面
依稀似去年去年亦有竹中照像

盡傾心血作文瀾鬚鬢青青亦未殘君看東岡老松樹最禁
風雪最禁寒

不教放浪不矜持山澤巖廊在處宜惟有拈花人解得維摩

眞備四威儀

霜臺符檄凜如秋七尺升車擁八驄誰識惠文冠底客畫蛾

樊山續集卷十八

四

從古擅風流

北山

雕陰北望風沙慘林澤哀鴻幾子遺萬竈爭熬神木鱗三方

橫截宋川釐府神設局宋家川釐收錢減連年霜雹災成例絕徵鹽茶販

有私近買明駝過三百可憐挽雪出花池

皋蘭消息雁郵疏手板都忘問起居禿髮地寒宜擁被赫連
性忍不知書極邊春瘦榆林馬十月冰苞府谷魚從古銀州

誇貴壽近來織女道何如

十一月朔

月吉無勞薦壽卮蜜梅花底閉門時駸駸馬行香早戢戢
饑鴻趁粥運是日粥風始開天下大寒瓶水覺老來輕健獨眠年
年今日書窗下依稀葫蘆一首詩

生日再賦

謝遣賓僚獨下帷
絮庭兒女倍瞻依
遲遲綺日彈琴榻
蕭蕭青霜凍戟衣
樂府歌辭驚百轉
命宮格局蝶雙飛
子平家目
飛格雙南窗打睡
蓬蓬醒誰識先生杜德機

葆生以詩見祝賦答二首

青梅筵上使君賢
天下英雄孰後先
君子令詞原善頌
老夫不及豈惟年
論才已許兼文武
舉酒何勞慕佛仙
同是楚中將家子
功名未可負貂蟬

箕牛斤退命宮星
水冷金寒愛火行
鳳厓恰當周建子
蟻更亦怕宋逢庚
余命中有兩庚子前
愛談馬槩忘年老
穩步薰屏覺體輕
好學漆園不鳴雁
天人交忌是才名

賦得銀燭

樊山續集卷十八

五

流光如雪氣如蘭
夜雨秋屏覺影單
玉箸垂時人惜別
海棠睡去汝同看
心從明鏡臺邊照
身在銀荷葉上安
怪得金釭居二等
冰銜輸爾一條寒
蘇合香中燕一枝
紙窗竹屋見凝脂
明明似月心堪白
皎皎如霜涅不緇
光艷欲教珠母避
行游禁得玉娘持
洞房永夕能停待
較勝青鐙有味時

簾鉤

曲瓊名字亦風流
三角弧形傍畫樓
雙壁柔荑思漢苑
一彎斜玉記揚州
時時反側珊瑚女
世世疏封戶牖侯
三挂冠纓嚴節度
杜陵遺老感恩不
風舒霧捲鬱金堂
犀玉玲瓏夜有光
暑汝申申綠惹髻
愁人乙乙似回腸
三星掩映成心字
微雨黃昏念膽娘
正好垂帷

拖書坐嫌渠多事放鑪香

等閒未許挂鸚哥
收拾珍珠與綺羅
銀釧音聲敲夜永
軟氈身世絆春多
勾留楚岫雲無盡
約束瀟湘水不波
碧玉螭猶漢製春
溪落日幾摩挲

西山飛雨捲蛟綃
記得天寒賜錦袍
斜月東西珠箔映
春風上下玉纖勞
洞開門戶休妨燕
乞與綸竿便釣鼈
誰是九天披霧手
黃羅遙揭五雲高

讀湘綺樓詩奉題一首

天馬神龍不可羈
沈潛學海獨探驪
九州總有逢迎處
百歲應無憾憾時
脾脫中興諸將相
範圍後學一經師
老軻功大如神禹
解道斯言只退之

再題湘綺樓集

樊山續集卷十八

六

儒林中有漢高皇
謾罵文章極老蒼
史筆幾人嬰斧鉞
詞揚萬古掃批糠
貴人歲暮輸金幣
天子深宮畫草堂
湘撫往年奉明詔
問公精力可勝常

三題湘綺樓集

乾坤洪蕩孰知音
並世獲牙未易尋
光祿自言兒得筆
中郎惟與女傳琴
登山有客迷橫側
觀海從人說淺深
瘦碧老蒼俱把臂
可知空谷寂寥心

四題湘綺樓集

往年交臂春明路
辛未會試擬
香爲南豐百瓣薰
蜀洛早融門戶見
馬班無復異同文
留侯書尺招黃綺
宰相山中贈白雲
誰使洞庭限南北
三湘七澤要平分

五題湘綺樓集

年少高談院鄂兵老思舌劍研長鯨祠堂欲並蜀諸葛先生尊經書院蜀才禮樂長存魯兩生六合外猶繁議論十洲人盡肯出其門憚聲名請看滄海橫流日惟有湘潭徹底清康梁構逆先生門下無一附和者

贈梅君前輩 梅翁屬書扇因墨其上

升堂俱是聖人徒請業縑帷德未孤繼續老先摧鹿角商量舊學會鵝湖黃花插帽參差晚黑白投瓶積漸無學術慙余雜王霸祇應嚴事考亭朱

再哭許袁二公

柴市風雲慘不舒保身明哲竟何如已亡叔夜琴中曲世多效爽翁詩百無一似者莫問陳留篋裏書竹翁鸚鵡尊前誰是鸚鵡鶯冰上枉尋魚秦中獨我吟黃鳥人百安能贖子車

樊山續集卷十八

七

抱冰師再督兩江寄獻二十八韻

五大洲中見一星溪瑣巖築不能爭祁公貌已先年老裴令身原為國輕整頓河山仍鏡砥提攜掾屬到公卿鑿通博望當時空公修蘆漢鐵精練威廉第一兵德人謂公之精兵陶侃武昌自楊柳謝安江左更棋枰許謨海外諸夷伏商戰人間萬事生三代彝章從損益六經根抵獨分明破邪幾費菩提口勸學如聞韶韶聲宿將每箴前絳灌腐儒喚醒傷朱程掌紋指節占天象海誌山經驗物情擬攝謬臺惟赤手感字絕國只丹誠霜濃處邊籌苦心血枯來奏草成聖學二千年絕續天才廿萬里縱橫周公制作皆輩繡孟子音儀象水晶馴狎鯨龍池裏篆公所用洋匠部分獵虎海東行將弁能日本夷吾祇了中原事諸葛徒高字山名文武材兼方授鉞

封疆寄重綏和羹煮金待闢梅根治帶甲重開細柳營公制兩江立白強軍及吳會英才歸駕馭江淮繡壤盡犁耕九

重玉詔褒勳伐十國珠槃主會盟儘拓心胸規遠大尚留文藻潤承平會昌一品門人序儉府千花幕佐傾泗水早誇由

禦侮韓門獨許籍聞等功非陸贄慚期許西幸日師語人門一人才與湘鄉共品評或勸師節勞師嘆曰必欲分一卷

素書青漆簡卅年薪火鐵鐙繁清時敢慕王炎午涼德羞為宋子京隴首梅花逢改歲江南木屑憶朝正何時雲母屏風底坐看宗臣秉玉衡

鰥舫寒事

侵階凍草先春發滿案冬暄比月佳判事可須湘管筆見賓惟躡魯風鞋文章禹玉誠多寶歌曲堯夫善打乖一榻青氈

樊山續集卷十八

八

一炊火蜜梅香透小眠齋

題尤水村所畫東坡石鈿圖用自題韻

此中曾貯老人泉菌蠢儀形尺幅寬畫仿竹籬春社冷名齊石鼎夜吟寒中冷小杓分江入陽羨荒厨焙葉乾古器已登天府貢尺練流轉到長安

碌磚堰勘堤歸馬上望西安城作

參差樓堞倚青冥風靜嚴關鼓角聲虎視九州秦內史龍蟠八水漢西京前朝塔廟留奎藻名刊數十並近郭川原帶晚晴一自翠華西幸後長安今是鳳凰城

再寄牛公

西門柳色自依依歲暮江皋雁字稀鄂鈔風行空紙幣楚棉雪聚紡紗機遂開馳道如虹互亘起高樓待鶴歸公籌萬金修黃鶴樓

見說西園多雅集常令猿鳥見旌旗

壬寅歲暮關中雜感九首

左戶飛書促算稽封樁底處覓錢神黃金已盡催填海白壁何年再入秦蒙漢新多熱燐戶澄蒲漸少採硤人製造局積

漢吏誰如雋不疑籌鎗判牘百回思荷花有淚離文網綠草

經秋上獄詞駭女癡兒望懷保省司府局莫參差就中亦有

荏苒澤東里甯無用猛時

地寶騰光照十洲秦山苗脈待窮搜銅官未鑿生金鑛炭井

誰煎猛火油度嶺擬開盤馬路時議開入關新置寄書郵東

南風氣來西北橋上聞鵲不用愁

表賀元冬望 九閏明明日月照乾坤雞人踞且班行肅螺

樊山續集卷十八

九

女朝天語笑溫各國使臣夫執玉爭趨 皇極殿釀金催起

正陽門劫灰銷盡昆明火龍衰於今有淚痕

江表秋分下玉棺析津霜露不勝寒晉公玉帶占遺表梁國

麻衣守本官賜祭九齡蒙贈諡奪情太岳勉艱難九州疆吏

多僑置棋局須求著著安

烽火朱鷺幾亂離 深宮卜帥屢沈思節旄蘇武今如此功

罪王韶概可知峽入大藤皆盜藪營非細柳盡兒嬉風光轉

盼逢元夜可是崑崙奏捷時

玉壘天彭復苦兵紅巾突起錦官城陰燐滿地憂狐火白日

通衢見虎行 廟略崇朝平米賊臺抨全力撼花卿抹荒再

驚西園爵中澤哀鴻半死生

畔服狼心故不常屢曾橫水誤明光始終作賊嗟頭白左右

逢君恨萊黃用張士誠事收合猖獗抗裴令迷離雞犬隱淮王中

原魚爛誰之罪七日然臍未足償

臺柏葱龍復見春吏材師範亟陶甄時方設課吏館師範學堂掃空刀筆

文無害脫落皮毛士有真懷袖不攜生摘果功名須付老成

人蒼寒天地梅花白冰雪叢中好立身

歲暮過西園有懷內兄

抱郭微吟餘歲篇西園風物自蕭然橫枝尚綴玲瓏雪新木

纔生淡沲煙退食白魚香晚飯倚樓紅鶴下遙天故人不共

桐陰話石几生苔近一年

再過西園

西還經歷幾春冬薄暝園林佳興同蕙草雪銷青稷帶牡丹

火迫錦薰籠魚衣冰面連錢碧雁字霞天映帶紅莫怪庭階

生意滿小樓昨夜已東風

寄訊女弟子

畫堂東畔綵幡風姊妹花前一笑逢釵樹九梁金翡翠裙花

兩面繡芙蓉口香北苑頭番若眉綠西山第幾峯料得新年

嬾針線春衫纖手慢裁縫

閱電鈔知石甫觀察備兵右江喜賦

朱鳥南離望精衣鏡中鬚戟未生時身為雛鳳知名早官比

鴛鴦待闕遲君侯簡不似柳劉傷謫宦好收側貳作蠻姬時

靖未 政成莫負撻酥手要和東鷗絕妙詞周叔芸前輩

鰈舫花事頗盛詩以張之

吾廬大似冬花盒香光團結紅霧酣又如江上木蘭舟名花

甘果置兩頭荏苒西京歲華晏同官饋歲紛羔雁承筐屢卻

紫陽茶飭蓋不登城固絹獨有唐花顏色殊貽我雙盞受一株饋多漸似董林杏髮盆八九羅庭除城東七十灌花翁土屋窺窺回春風火爲輕暘水爲雨日夜霏灑兼烘烘爛前百卉已甲塢眞珠蓓蕾含小紅十九年來買春色金錢累萬花間擲花翁解意不待求奔走南牙薦丹碧選花如土須及時獨留梅十水仙百我營客贈皆可憐小眠齋裏交芳妍橫枝低亞姑射雪冰蕊烘破綃囊煙海棠碎點燕支萼緋衣亭亭立我前鼠姑非時吾不取綠葉交扶紅已舊回頭卻憶長春寺斜街萬人揀姝麗一向紅羅旖旎天前年鐵騎縱橫地桑田爲海海爲田如今依舊成花市金轡車中盡貴遊銅駝陌上無乾淚買島薔薇徒怨誹劉郎夢夢嬰時忌鰥舫中人醉欲眠荒枯莫問京朝事小除前日天氣新花枝在手酒入唇

樊山續集卷十八

士

日者許我放翁壽更閱花叢三十春

十二月二十六日得電鈔調補浙江臬使敬賦

風節文章慕白蘇

君恩特許住西湖遂移明月秦臺鏡

去寫春雲寫嶺圖知已至今餘管鮑

謂鮑子虞諸君

到官翻得壓

蕤醺使君縱有煙波興能捨三秦父老無

歲除前二日雪

高天雨玉復雨珠饑者得粟寒得襦連城俱爲舍衛國布地何啻黃金鋪一昨鳴鞭出南郭麥野盡展青氍毹久晴黃塵欺馬鼻無雪其害雪其庭碧翁果如老農意譬以渴吻承醍醐萬丈冰蓮擎太乙極天銀海涵西都寒人夜臥火炙背衙吏晨參冰在鬢四廠驢呼趁饒粥南山未便妨樵蘇我時移官向浙右遲遲行與春日俱黃紬已封肘後印標帙未卷牀

頭書門生解事致茶串檜雨松風生竹爐竹延惠茶極佳一冬三見瑤臺雪烹點忙煞蟠螭壺老鶴個強不奪素小梅斌媚還施朱獻歲梨花澄臘曉朝元木屑盈天衢遠行吾已倦車馬大寒世始知貂狐明年今日一船雪春風著我西子湖

雪中讀湘綺樓詩即用其丙子喜雪韻三首

太白仙才世不多濺珠霏玉兩相和飛英會上曾交臂掃葉窗前且訂訛集中多誤字釣雪清湘朝荷笠朝元行殿夜鳴珂吾曹蘿衰何分別好續陽春一曲歌

三輔豐穰久澹災誰騎白鳳散花來閒中小賦酬雖寬酒畔清歌奏忽雷高詠合登羣玉府凌寒一上望春臺梁園若授先生簡未覺鄒枚是異才

新編眞當古書看月地雲階別樣寒漢殿屏風晃雲母唐賢

樊山續集卷十八

士

洞府署猗玕漫疑銀海花生眼直借湘江水洗肝一世衡山

依芋火燒梨 天子見應難

壬寅除夕

西府暉暉庭燎光朝元端整繡衣裳信知鰥舫春風早銀燭

垂花照海棠

十九年來判牘勞能將秦隴土音操西臺檢校樊山集關內

文章一尺高

量移多節領之江鵲報新傳閃電窗好把煙波洗塵土明年

眞上木蘭雙

紅閨兒女募錢唐開到辛夷卽辦裝打點西湖頭一願先拈

靈隱寺中香

十錦名城似畫圖香山標榜又髯蘇世人都道湖山好好過

長安舊雨無中丞方伯以下無不

惜別余亦不勝戀戀

蟠根二麥絲初齊喜入豐年百樣宜檐際猶封待雪雪燈前重賦祭詩詩

調鉛弄墨女門生附鶴書來在碧城是夕得竹

延兄妹書

料是無眠非

守歲玉梅花底話西京

不辭今歲今宵盡頓覺明年明日催見說

君恩似花信

每年二十四番來

癸卯元旦 行宮早朝

起攝豐貂夜未央紫珂葱轡謁明光兩行寶炬籠紗出一路

春泥爆竹香星轉玉繩催曉箭雪晴金闕晃朝陽乘春更覲

龍顏去會見天池集鳳皇

開歲五日小園餘雪猶在

樊山續集卷十八

三

鵲鵲多時露羽翰園林臘雪尙留殘梅邊撲簌疑花落松頂

停凝當鶴看東府圖書羣玉朗西樓眠夢水晶寒藥娥欲門

春宵色未覺風前稿袂單

客和殘雪之作疊前韻

冰檐凍雀曬輕翰日出高樓粉未殘天女花多塵塵見石頭

路滑倚筇看天街過錦防泥泥泥投瓊覺指寒掃地焚香

齋閣靜自添杼炭展棕單

再疊餘雪韻示客

積雪終南互染翰瑤華明麗忍摧殘絕知姑射肌膚似莫向

安仁鬢髮看老友冰心多耐久癯儒壽相不嫌寒嬋娟持作

煎茶水肯共羊羔上食單

三疊韻詠餘雪

上春重染兔園翰未覺林花昨夜殘玉蕊蓄釐如有待金蓮頃刻莫同看賦梅大段紅情少倚竹蕭然翠袖寒直等春風消得盡一庭芳草綠花單

人日迎春效初唐體敘別

春光不落歸雁後酒盞常置梅花前園林散雪仍團雪樓觀

迎仙復望仙望仙樓畔青旂舉彩仗東郊競笳鼓七日方開

薦鴿筵一年又換鞭牛土去年人日故人同今年人日別離

中蠟鵝花下遲遲夜金燕釵頭裊裊風蠟鵝金燕皆依舊故

人那得長相守爲問分看百種花何如同傾一杯酒百花酒

熟須謀醉中有秦川美人淚若將紅淚滴春槽何止中山千

日睡千日常如一日春今年漸老去年人世間白髮持公道

陌上飛花擁畫輪花開陌上歌聲緩乘興東遊不知遠楊柳

樊山續集卷十八

四

青時馬去遲湖山好處春來晚湖山好處此間無此間人好

勝西湖判將佳麗歸吳越未必風流遜白蘇蘇髯白傳吾同

調鏡裏朱顏都未老相別當如春日遲相逢當似春風早東

望望春春已歸西望望君君可知明年人日題詩處是我西

湖西望時

贊臣領師範學堂事四疊前韻戲贈

楷模不獨在詞翰苦守遺經說抱殘山上山形同嶽峻門生

門下當孫看淵迴學海流何遠薪盡儒林火未寒供奉神師

堪一笑如今闕內有田單昔抱冰師設用胡書院擬延杜仲

耶此特田單神師耳

賦得梅聘海棠

齋頭朱梅海棠同時著花光艷照人戲成四解

芻尼柳上報春歸花有風情玉有暉當汝佳兒佳婦看衣裳
一色染宮緋

春睡唐宮酒醒遲江蘋珠斛有餘漉如今消盡樓東垠為取
楊妃作小妻

道是無香恰有香珊瑚玉樹學鴛鴦好教鶴子投慈母羞喚
山礬作小郎

雙飛齊入紫宮簾難得名花福慧兼成就青紅兒女願緣陰
生子牛酸甜海棠果色紅味
甘較勝青梅

立春夜友松有詩五疊前韻

第一春宵試彩翰單于風動二更殘百年青史將詩代三輔
黃圖當畫看紅面撥雲忘老至年頭釀雪補冬寒去臘道不
須預惜河梁別尚待春衣換袂單

樊山續集卷十八

春寒六七疊韻

硯冰生纈罷濡翰尺涕臨風笑懶殘眠柳可能春早起睡棠
眞怯夜深看馬行平地霜猶滑鶴訝今年雪更寒重襲貂狐
肌尚栗紅閨添絮製中單
西北風高落雁翰待將佳雪起荒殘花須暖窖烘纔放詩向
灰鐘畫與看銀漢水知通體凍玉樓人念外邊寒是誰綰綰
忘龜手擬把黃金買藥單

賦得咬春八疊前韻

年少曾揮鳳沼翰紅綾宴後齒牙殘獅蠻任作常年供魚蟹
休同異物看去冬蟹
甚多華筍驚雷綢錦綻幽梨榨雪玉漿寒咬
春筵上羣兒競卷餅區區較復單

同人見和梅聘海棠詩再賦四解

卻扇蘭房玉樹齊紅妝臨睡燭花低若教解語還輕薄卿亦
孤山處士妻

芳梅解笑亦能言金鼎和羹與細論儂入黃扉卿命婦百花
頭上互溫存

人間五恨說彭郎金橘鱗魚漫比方嫁得何郎好夫婿雪肌
分與滿身香

幾生修到瑤臺上百雨迎歸紫府中值得天錢十萬塊春秋
不斷海棠紅

夜雪九疊韻

天鵝落羣鷺飄翰竹屋通明玉漏殘疏密自歌禪榻聽尖叉
懶覓韻書看然蔡閣小回青照列柏堂深榜翠寒不獨琉璃
屏覺冷春牛塑象也蘭單是日雨驟
送春牛

樊山續集卷十八

微雪卽晴曉起坐南檐下曝背十疊前韻

竹外幽禽暎翠翰松蘿微雪漸闌殘簷牙粉絮因風起池面
冰花映日看萬玉妃纔溫曉夢陳與義雪梅詩絮
榮江南萬玉妃兩黃人不
識春寒西臺暖勝雲門寺容我三年此挂單

棋泉見和量移浙臬詩疊韻奉別

玉溪文采映流蘇惜我雙旌到聖湖不分量移十錦地亦如
彩選百官圖物情戀別花攔馬鄉思掠人飯憶鱸君浙
人煙雨
樓前好煙水情深得似隱侯無

贊臣移居關中書院十一疊韻

老鶴西來暫養翰請鄰祭竈燭花殘書知惠子車中載身入
通明畫裏看華屋新春雙燕賀胡牀舊物一瓊寒唱酬擬續
山薑集宮羽休疑發口單

友松贈詩書雲門爲雪門雲生讀而覺之十二疊韻一笑

要知雲雪皆天物魚虎從來有勝殘幸相山中多不贈書生
簷下映來看梨花夢裏何分別柳絮風前有暖寒省識六書
通假義不妨老杜氏徒單金史國語解

癸卯同鄉團拜張樂設飲梅老首點借雲一齣寓惜別

之意致可感也賦此奉別

舊曲梨園說借雲部頭進點示殷勤關中暫得陪楊尉河內
猶思乞寇君南部煙花休著錄東山絲竹感離羣公爲當世
胡安定知否西湖待主文

正月十三日浙館團拜洪泉學使碧岑觀察簡招觀劇
酒半洪泉肅入舫齋縱觀書畫作歌

樊山續集卷十八

七

長安春早初試燈春頭釀飲羅有忝金錢買夜乃浙俗樓臺
歌管丹霞昇我時移官往杭越居中坐我雲錦棚舞衣金縷
交絳縹雲鬟翠飾高髻髻關中老友以十數當花舉酒如淮
澠酒酣日夕紅蓮發水晶宮樣摹吳興燈數十盞餅香緩
唱渭城柳魚美正上黃河冰玉堂仙人專主席門羅桃李楊
於陵與我結交十五載雙瞳閱人秋水澄絃繁管急急少倦
導入米舫開豁藤異書名畫盡羅致如鳳入笈蛟入罾解元
詩軸紛彩翠華亭筆陣盤鵬鷹衡山細寫玉蘭照尺幅寸束
背以綾文待詔畫玉蘭贈人蒼厓老樹湧突兀脩然霞外達
兩僧石澗瞿塘灤瀕常挂眼天台雁蕩疑可登參破畫禪出
險怪取資佛力呈精能其餘煙墨並佳妙譬之洞宗猶小乘
我癡自比顧虎頭作詩人稱王右丞衣冠脫略談風雅盛以

暇福相誇矜君家秀州我所治此行先採鴛湖菱由麗至杭必經嘉興
他時憶鄉並憶我煙雨西樓最上層

再疊驢字韻贈洪泉

春入秦川百卉蘇街西柳浪似歌湖玻璃蓋子聖賢酒雲母
屏風主客圖子弟並爲中散鶴兩鴛子神通能致左慈鱸所
至應有永嘉八面矜刀割爲問才鋒似此無

己丑客滬上識洪泉於小村中丞座中時君初登賢書
一彈指頃十五年矣三疊前韻誌感

往歲秦電客大蘇孝廉船欲返鴛湖東方未擁三千騎對食
同甘四十鱸元詩歸釣吳賢主風流如謝傳仙郎輕俊異昌
圖關西今試扶輪手回望州門有淚無

四疊韻寫懷

樊山續集卷十八

太

風土清佳杭勝蘇在官不異在江湖大宗臥閣饒山水元相
全家住畫圖漫以美官方枳鳳客有言虛慚巨口似松鱸昔
郭主事共食郭誇左相陰口能容拳余日口巨能作鳳凰山
健不郭慎日汝見第二人耶余遂握拳納口郭默然鳳凰山
是君王賜提點三年許我無香山杭州詩皇

關中春興五六疊韻

神泉春物盡昭蘇祇欠昆明水一湖昆明池勸學侍刊三李
集過關誰貌七賢圖雪消隴麥青如屬冰裂河魚狀似鱸三
輔祇今猶漢最官清民樂九州無

眼明身健罷萱蘇人道詞仙似石湖碧樹風柔來戴勝紅房
春靜掩椒圖燈屏多畫桃花馬楹帖新題淡墨鱸陸詩堆繁
角藉藻鱸新淡墨鱸叟當寫此聯余屢仿之風雅不教妨吏事名場曾見此人無

上元賽燈三日例往鼓樓彈壓疊前韻索諸公和

千燈百燈億萬燈青煙紫霧交浮添縹衣夜行循故事九微
火接朝日昇四十里中錦步障五步一置蓮花棚梅心已見
紅的皀柳髮未放青鬢髻銅街東西門紗管有如二水分
澗從古西都號繁麗秦以虎視周龍興漢儀大酺連三日銀
花不落酒不冰吹簫玉女驂兩鳳輕裘年少驕五陵車中看
殺非衛玠酒邊絕倒多王澄城中朱樓高百尺大鼓疑斲韓
雍藤平廣可數十重席武帳旋設如張臂樓縱廣數十百步
空無垣壁同寅萃
止設帷帳游微四出禁誼閑憑高下視來蒼鷹慘過知積幾
箱杖清歌漫費百匹綾車後從行有賦給馬頭衝突無詩僧
物華天寶氣象別心知今歲當三登鼓歌不識堯舜力弛張
妙極文武能自從 西幸駐輦趕鳳皇來儀龍時乘夜遊不
犯執金吾瑞應屢奏靈臺丞我 后迴鑾庫西顧詔書惻惻

樊山續集卷十八

元

多哀矜邊方美利足鹽鹹湖田租稅蠲魚菱有詔陝西錢
糧普減二成
焚香點燈祝 聖壽金浮圖起十三層

元夜歸自鼓樓間淇泉過訪失候燈下再疊前韻調之

朱衣前引籠兩燈攜茶就我同淪烝孝穆入關獨誰語寒陵
片石從溫昇鰈舫主人出以夜獮身嶽嶽巡花棚短髮茶僮
踈應客進退局促頭髻翰林未接宣平席有如馬疲不渡
灑回車寧獨蘭相如開圖空想曹弗興曹莊詩開闢不興羣玉館中
惟有月念珠廳裏寒於冰我歸君去失交臂坐令美酒孤蘭
陵高齋宴坐少公事纖雲四卷天清澄今宵火樹萬花發燈
珠百串懸脂藤玉簫兩頭清如鳳紅羅四面密若罽玻璃半
畫穆王馬素絹亦仿徽宗鷹平安火照蓮花蓋蘇合油污柿
蒂綾燈來宛遇採蓮女月出應有撞鐘僧君歸行臺列萬炬

九天鸞嘯疑孫登雨花不礙維摩詰道心欲過葉靜能 玉
音已賞瓊樓句絳河獨許仙槎乘眞長元度偶相左勿笑我
爲逃席丞獨憐紅閨掌書記絳仙才調蒙優矜坐虛人月雙
圓夕斜背銀缸收鏡菱鵲巢永夜聽清漏夢到瑤臺第幾層
石甫寄示紀 恩詩賦答

戲簡瀕生

東洲書派歸猿叟北地詩名讓鰈翁爲乞湘南齊處士好鑄
珠篆翠珉中

曩石甫以詩見示自註云直鈔公一句近賦紀 恩詩

樊山續集卷十八

三

亦然戲題其後

敝衣搏撻玉溪生艷體西崑故不情麋樣時時學京兆鵲聲
一一辨楊衡藥偷幾粒歸鰈府梅有雙身現鳳城晏元獻有
紅梅一株
爲園丁竊賣王君玉獻詩云剛被
園丁偷折去鳳城從此有雙身自傍宮牆傳笛譜人間纔
識李暮名

可是東方食玉桃亦如秦女學吹簫楊家慣效唐臨帖棗本
眞成朱影鈔鸚鵡性靈能學語葫蘆樣好不勝描憑君偷盡
江東集不廢錢唐萬古潮

齊山人 乞賦借山吟館詩贈以長句

山人無山恰有山湘波如鏡開煙靄紫蓋蓮華三十六山山
都結梅花屋山人少貧無立錫黃茆蓋瓦荆雨扉養親不受
胡奴米娶婦能補王章衣常以綬裝挂牛角稀聞菜肚驕羊

疏春溪落日採黃獨行吟自負長鑣歸平生三絕詩書畫刻
石雕金師造化前明四家白虎尊揚州八怪冬心亞君有青
山畫裏看人有青山門外開畫山競以真山易安置幼與邱
壑間山人住山無一年去此就彼相周旋來時各以郵田假
去時復以荊州還山人所至工修飾紙窗竹屋明如拭一隻
米家虹月船四面嘉陵山水壁竹林主人笑拍手共人與屋
皆不朽次寥天地寄團瓢到處春風一杯酒少年結交郭五
賢倒囊屢乞草堂錢巢由不聞買山隱管鮑早以分金傳郭
爲君友亦我友薜蘿關中意良厚君來就郭西入關讀我歌
詩笑開口篆我茗玉三十方印文紅白何精良甯獨蛟螭隱
金篋便偕彝鼎登明堂鴻鵠西來不可繫乘春切莫歸飛急
西都賦裏饒名山紫白雙峰連太乙好收嵐翠入行勝亦有

樊山續集卷十八

主

白雲生臥席成就千秋萬世名借山借到樊山筆

雜憶五首

昔年索米向長安惆悵東墟取酒難猶有鷓鴣裘未典文君
將去禦春寒
心事靈犀一點通私書花葉付秋鴻鐙前看了無人見繫著
鴛鴦錦帶中
學作宮詞字未安波箋欲寫頗知難亦如商略亭臺稿畫堵
先呈樣本看
封題錦字寄吳綾世態家常語不勝縱遇拆書鍾士季豈能
詩謎打春燈
念詩讀曲隔花聽兩舌同黃界畫清不入西園公子耳誰知
絳樹有雙聲

坐雨悶書

日程八九爲律雨館十千買春無術致君堯舜梨花一盞吹
人
門外纓襦似織泥中車馬無閒忙到微君畫裏思量此箇人
間

西堂春興

池館陰岑雨弄絲猩棠開早燕來遲消除萬事書遮眼解散
千愁酒慰眉大宋落花知貴達顛張春草足嶽奇香山詩意
無艱苦雅稱春風淡蕩時

與客話申江事

拋擲黃金海可填出門咫尺即蓬山縱橫閭閻疑無地晝夜
笙歌別有天香茗三層樓上下畫橋十字水中間裙裾如織

樊山續集卷十八

主

春如夢曉毒鶯花課少年

進退格

年少迷春不是春良家兒女委風塵芙蓉館裏真煙瘴翡翠
巢邊假笑顰錢虜也談風雅事輿僂多是綺羅人虛無海市
連雲起鮫客螺姬箇箇貧

介眉將軍自畫東郡紀遊圖屬題卽步卷中自題用東

坡犢牛口詩韻圖蓋甲申歲介眉官祠部時從延尙
書勘視東河作

自漢急宜防爭言塞瓠口東河昔沈瀋水嚙斷岸柳以金擲
蛟龍官職西園舊君時賦皇華來飲濟南酒雁戶繡衣糧河
兵肅刁斗手寫東遊圖金篋藏之久從來鴻烈註不可無高
誘索我和坡韻我卽杭州守斯圖掌故存豈止畫中友更讀
畫中詩一妹掩百陋筆力有餘勁挾河嚮東走

送夏五彝壽田編修入都君湘人隨宦蜀中最久戊戌

楚蜀英靈聚一家藍田鄴上此郎佳通身玉骨裁眉雪十丈紅蓮榜眼花會見禁林庸頗牧更饒經學繼乾嘉此行穩步煙霄路白玉堂中待草麻

三月朔雨日食不見

庭氏虛鸞救日弓義和應策雨師功鳥跋無恙行天上龍貌何勞禁海東誰見太陽遮黑子莫將初月問黃童崇朝甘澤盈天下復旦光華慶再中

西堂春興

一枕西堂宿雨餘春駒飄影過交疏庭莎綠緹衣鶴池水金明繡尾魚頻喚茶來留客話暫拋花去課兒書後園隙地除荒蕨半種垂楊半種蔬

樊山續集卷十八

五

光風轉蕙泛崇蘭簾閣幽草不刪梁燕有情交哺子林鳩雖拙也名官聞雷筍迸犢雙角過雨苔添豹一斑寒食前頭兩株雪不須惆悵憶東櫺

衣繡三年受吏衙林亭還似野人家臺鳥八九皆生子蝴蝶單雙總戀花白白桐縣輕可紡青青梅葉小於茶點胥偷記

新詩去寫偏屏風六扇紗

暮春三月麗人天休撈楊枝贈馬鞭時候代曲水遊從紅杏始至玉堂歸在紫薇先治書每夜過丁夜修禊今年又癸年王

謝從來多任達臨河佳序慕前賢

題絲珠畫像

倩女真還隔世魂明珠重現掌中身平生第一清談好閨閣居然有晉人

明妃果薦奇章寢弄玉還歸沈下賢解釋當年金谷恨一生含笑對樊川

西堂春興原韻

柳眼桑稊綠有餘踏青時節雨疏疏風嘶杏葉連錢馬水暖桃花尺半魚口福又叨重醞酒淇泉送目光猶下五行書漢宮未拜新煙賜且可瑯盤薦冷蔬

大好村居憶紫蘭樂天詩稿半存刪堂前燕睇仍尋主池上蛙鳴也在官蠻榻紗輕分竹翠楚衣香重漬梅斑直緣案牘相拘檢不到花開不倚欄

柳煙春鎖曲江衙不信金衣是道家上已逢人吟芍藥清明多雨誤梨花晴來僧院繁遊屐暖至官厨罷乳茶穀雨猶遲霜未斷南窗休換牡丹紗

樊山續集卷十八

五

悄悄池館午晴天香炷初燃紫馬鞭九錫魏姚花在後同盟滕薛筍爭先賦詩蘭里重三日平賊元和十二年時粵亂舉將靖世昇平關內熟當春惟覺酒杯賢

清明雨中

薄陰翳樹曉萋萋三月餘寒鶯未啼兩髻新煙榆莢火滿鞋春雨杏花泥燕如游宦巢難定柳似雛鬢髮未齊每歲清明思舊里子規聲裏發紅梨

新霽

濕煙吹霽曲江春草色裙腰積漸勻紅杏合稱新進士綠榆應是古錢神懺鵲成鶴天無恨將虎儕鷗物自親見說東菴逢穀雨姚黃接引看花人

三月二十八日大錄獄囚畢醺客於默化堂循故事也